

■ TRIBUNA POLITICA

La historia da Nadal svizra

DA MAGDALENA MARTULLO,
CUSSEGLIERA NAZIUNALA

Igl advent, il temps da Nadal e la midada digl onn ein per ils biars in temps empau pli ruasseivel. Nus savein sefermar e puspè seregurdar digl essenzial. Nua stein nus ella veta? Tgei giavischein nus a nus ed a nos cars? Tgei stat a cor a nus? Tgei lein nus mantener, tgei lein nus midar?

L'atmosfera da Nadal anflan ins era a Berna. Sin via fredda ei da vin cauld e dapertut ha ei fieras da Nadal. En casa federala regia denton ina truscha hectica sco adina. Ina nova legislatura, il medem cussegl federal: L'attacca dils verds sin Ignazio Cassis ha fatg naufragi e quei claramain. Cun raschun, ditgel jeu. Mo in sulet passus ella Constituziun federala menziuna co il cussegl federal duei secumponer: Las parts dalla tiara (lungatgs) duein esser representadas adequatamein. Mo cura ch'ei va per l'atgna pussonza vulan ils seniasters ed ils verds gnanc schar valer quei per la rappresentanza taliana! Era ils dus representants dalla ps grischuns ch'ei vegni eligi da niev preferenssen in'ulteriura citadina bernesa al Tessines...

Ina nova legislatura, in niev parlament: El parlament dat ei ussa numerusas novas fatschas. Las elecziuns han mess sutu bia. Era dils tschun cussegliers e



cussegliers naziunals grischuns ein treis novs. Ei vegn aunc a cuzzar in mument tochen ch'ins enonuscha tuts. Entginas partidas – sco ils verds, la Partida verd-liberala ed era la nova «fracziun dil center» che secumpona dalla pcd, pev e pbd – ston igl emprem definir in program da partida cumplet.

In niev parlament, las medemas disas: Sco mintg'onn vegn il budget federal per igl onn vegnent deliberaus duront la sessiun d'unviern. E sco mintg'onn creschan las expensas era uonn. Per 2020 ein expensas federalas da varga 75 milliardas francs planisadas. Avon diesch onns importavan las expensas aunc pli pauc che 60 milliardas francs! Las expensas publicas per persuna ein damai carschidas enteifer diesch onns da 7500 francs sin 8500 francs ad onn. Haveses vus buca giu pli bugen quels daners ad atgna disposiziun? Il stadi svizzer vegn adina pli fomaus ed enguords. Il niev parlament cun sia orientaziun senia-

stra/verda vuscha denton aunc pli beinvulentamein per novas expensas e senza muentar in tschegl per novas summas aultas. Cun l'iniziativa da tgira han ins concludiu novas expensas da bunamein ina mesa milliarda francs, ils aviuns cuostan sis milliardas... Ins emblida bugen ch'ei vegn dau ora ils daners dallas burghaisas e dils burghais. Ei sa buc esser che las pagas stagneschan e la taglia crescha ad in crescher! Cun novas taxas directivas el sector digl ambient, mobility-pricing, rentas transitorias enstagl da piazzas da lavur, ovras socialas buca finanziadas etc. eis ei buca pusseivel da serrar quella largia!

Nuot semida denton tier la discriminaziun da pèrs maridai. Els duein era egl avegnir esser disavantiagai, quei giavischia la maiorità. La pps e la pcd han finalmein vuliu midar quei. Donn – in regal da Nadal per famiglias surcargas fuss segir staus beinvengnius.

Ina nova legislatura, vina von fetg engaschada: Caras Romontschas e cars Romontschs, bugen s'engaschel jeu era vinavon fermamein per vus, per nies cantun e per nossa tiara a Berna! Era savend che tut ils giavischs van buc adina en vigur hai jeu buna speranza che nus saveien puspè contonscher bia ensemen! Engraziel fetg per vies sustegn!